



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Articulus Tertius. Quare contemplator à summis per medios ad infimos
vsque operandi modos dilabatur.

urn:nbn:de:hbz:466:1-9766

lis, & terreni amoris, auferatque omne stannum pulchritudinis exterioris apparentię, & præcedentium amorum: quibus athleta spiritualis quandoque calefactus dicebat, viuo a ego iam non ego, viuit verò in me Christus; verè nesciens quid diceret, quamque adhuc longè abslet à regno Dei, eiusque puris operationibus, quæ in sequentibus statibus communicantur illis, qui applicant h̄c suum ut appropinquent Domino.

Sicut ergo nihil coinquatum potest intrare in regnum cœlorum, ut vel idèo animæ in purgatorio dealbentur, & qualificantur ad claram visionem Dei: ita quoque mystici, in hoc amoris igne, ab omni eo; quod usum fruitionis diuinæ (secundum illum modum, qui in hac vita perfectior consequi potest) obtenebant, præpeditque; absoluuntur, depurantur, & disponuntur; ut sint unum cum eo, qui in Trinitate unus est. Quapropter etiam si ea quis puritate foret præditus, qua erat quando à baptismatis fonte levatus est, nec unquam in peccata cecidisset, nihilominus si ad proximam vitalemque veritatem pertingere debeat, per hanc commotionem, (qua scilicet ob diuinæ præsentię, tam in supremis, quam in infimis viribus carentiam, tristitiamque, nocte, ac die sibi moriturus videtur,) & per hanc viam, cum vera resignatione gradiantur oportet: alioqui certò cer-

certius semper in eodem luto habebit, deficitque.] [nihil enim est susceptiuum formæ sublimioris, d nisi per aliquam dispositionem, ad illius capacitatem eleuetur.] quæ quidem hoc loco alia non est, quam efficiacia gratiæ mysticæ, amorem ad modos substantijs separatis conformes, depurantis. & sic verissimè experiri licet quod [maledicta terra nostra spiritualis, sicut & corporalis, non germinet fructum sine spinis, & tribulis, nec absque dolore anima prægnans, ueritatis prolem parturiat.] ordinatè tamen hæc fieri, & non in instantiâ summo ad infimum dilabi, consequenter dicemus,

Quare Contemplator à summis per medios ad infimos usque aman-
di modos dilabatur.

ARTICVLVS TERTIVS.

Admirabilis certè est diuinamoris progressus, qui ubi deuotas animas cum filijs Israël, ex Ægypto secularis vitæ deduxerit, maximo gaudio, & omnibus amoris bonis in prioribus statibus repleuerit; tandem præmissionis terræ, ac statui unionis vicinas, miris, & alijs, atque alijs modis, tentationibusq; exagitari permittit. quærum quidem [prima est subtractio, f& inopia deuotionis; subtracto autem tam singulari refugio, homo quodammodo

a Gal. 2. b Ierem. 30. c Taul. in fest. Visit. Mar. ser. 1. d S. Thom. l. 3 cont. Gent. c. 53. d Gen. Theol. myst. præcl. 6. e Ut etiam hinc 4. f S. Bonav. de 4. Proœff. Relig. c. 2. l. 2.

dāmmodo inermis, expositus est hominibus temptationum; & ideo pauidus efficitur, & pusillanimis. Ex hoc a se- quitur alia tentatio, scilicet fastidij, qua fastidit homo omne bonum, tædet eum orare, legere, meditari, tædet eum audire bona, vel loqui, vel operari, vel interesse diuinis, etiam quæ sine graui labore posset facere; Hæc tentatio fastidij, dum non habet in spiritualibus delectationem, & in carnalibus consolari renuit, sic nunquam inueniens refugium, malo mœrore consumitur. dein sequitur alia b tentatio grauis impatientiæ contra Deum, quare tam durus, & immisericors sit tribulato, quare tam parcus in dando gratiam egeno, & tam anxiè pœtenti, & tam importunè pulsanti? & hæc tentatio quandoque tam valida est, quod quasi insanit homo, & palpitat ex vehementi mœrore, quia ibi non inuenit solatium, quod deberet ei esse vnicum refugium scilicet in oratione, & in tanta supplicatione, cœlum quasi æneum sentitur; & cætera. acerbissimæ insuper c tentationes videntur, hæsitatio in fide Catholica, & desperatio de Dei misericordia, & spiritus blasphemiarum contra Deum, & Sanctos, & tentatio inferendi sibi manus, & se perimendi, & quædam perplexitas querulõsæ conscientiæ, medicinale consilium non admittendi, & cætera:] [exiens i- gitur homo iste, d miserum, ac defola-

tum sese conspicit. Hic iam omnis amotis æstus, impetus & impatientia mitescit, & refrigerescit, ac seruens æstas, transit in autumnum, & opes omnes in ingentem inopiam comitantur. Tum verò ex quadam erga seipsum commiseratione, querulas reddit voices, quoniam amoris æstus, compunctionio, laus & gratiarum actio iucunda absesserint, vbinam consolatione interna, intimo gaudio, & gustu sensibili destitutus sit, & qui tandem validus amoris æstus, & dona omnia vñquam percepta, ita penitus extincta sint. Nec secùs iam cum illo agitur, quām cum homine eruditio; sed qui postea scientiam, & operam omnem perdiderit. Interim s̄pēnūmerò, ob huiusmodi laturam natura perturbatur, & dolēt, quandoque autem Dei permisso, homo sic desolatus, insuper terrenis spoliatur rebus, aut amicis, & cognatis, & à creaturis omnibus derelinquitur; & quidquid habet sanctitatis in obliuionem abit, ac nihil pendit: totamque vitam, & omnes eius actus in peiorē partem homines interpretantur, contemnitur item, & despicitur ab ijs omnibus, quibuscum viuit. interdum quoque diuerorum generum morbis corripitur, aut temptationibus corporalibus, vel quod omnium grauissimum est, spiritualibus fatigatur. sub hac igitur tanta paupertate constitutus iam calum vereri incipit, & quadam pulsatur diffidentia: qui est extremus, &

Rr 2 vlti-

a Ibidem cap. 2. b Ibidem cap. 2. c Ibidem cap. 2. d Rosbroch. de om. spir. Nupt. lib. 2. cap. 29.

ultimo termino, in quo, citra desperationem, in gratia persistere quis possit.] [habent insuper & istiusmodi homines curas, & angustias multas in hac vita, adeò ut sèpè ignorent, quò se, præhuiuscemodi mœroribus vertere debeant, & nudæ duntaxat fidei, spei, charitati, in obscura quadam caligine innituntur. cumque maius adhuc studium, & conatum adhibent, multò adhuc intus aridores, & lapide duriores efficiuntur: ita ut nonnunquam vix ferant patienter, & magis magisque animo deiijciantur, excrucienturque. videatur autem illis non posse se non offendere Deum, vel per impatientiam, vel per desperationem, vel animi gravitatem, seu mœrorum. id verò dolent ex animo, cum odio habeant omnem iniquitatem. & cætra. Vellent etiam, & percuperent ex animo vitia sua extirpare, ac vincere, & exercere virtutes; sed non possunt. quod ipsum, & huius similia, tantos interdum dolores, curas, angustias intus eis parit, vt sibi infernales poenas pati videantur. id verò ex ingenti cordis ipsorum erga Deum amore, & fidelitate eis accidit, tametsi id ipsis de se ignorent. vnde omnium, quos mundus habet se sceleratissimos reputant, cùm tamen coram Deo purissimi sint.]

Hisce porrò, alijsque medijs, cum à summis per medios ad infimos quo-

que, & operandi modos, ac tolerantias spirituales studiosi deiijciantur: reliquum est dicere, quare hoc ipsum fiat. Cum itaque modus naturalis cognoscendi fiat per discursum, quo ex magis notis minus sibi nota, animus colligit, idque vsu sensuum, & conuersione ad phantasmata: ac insuper obiectuè cum Diuinis rebus agat, vt potè à se distinctis, amoris interim appetitu in præcedentibus statibus excitato; ex nunc & imposterum amoris perfectioris progressu ad Deum secundum quod quid est, seu essentialiter cognoscendum, & sub ratione omnis Boni amandum impellitur, perfectiorique modo operandi, diuinam quidditatem obtinere satagit, summoque studio contendit, vt loco conuersionis ad phantasmata, succedant diuinæ essentiæ similitudines, omnia inferiora excedentes, & loco discursus, ac multiplicatis, simplex intelligentia, quæ sub uno diuini luminis radio, inferiora sublimius contineat.

Eapropter spiritualis structura hucusque ædificata, & in sublime contemplationis erecta, tanquam insufficiens, & sensibili, ac instabili amore fulta, prius destruenda, deinde in templum sanctum reædificanda est, super solidum diuini amoris fundamentum; vt quando venerint flumina, & flauerint venti tentationum, & fragilitatum huius vitæ, nihil separet certantes

a Taul serm. unio. in festo plurim. Martyr.

certantes à charitate Christi, utque [in omnibus & per omnia purgari, & omnium rerum sapores, & suavitates excellenti modo possint degustare;] secundum quod omnia quæ existunt in prima veritate, sunt bona valde. & ideo à summo tandem quisque suo, siue quando aliquot annorum spatio, sua vt potuerit melius peregerit; paulatim non sine admiratione, & dolore pauescit ac deficit. superueniens enim amoris perfectio, tanquam qui ruinosam domum destruit, à tecto, & summitate incipit soluere vetustatem, & quidquid sublime videbatur; vile, & infimum adhuc esse, demonstrat. vnde licet exaltaveris ut b aquila nidum tuum, inde de traham te, dicit Dominus.

Atque ita [Deus c amatoria quadam altercatione, plerumque se denegans, ostensa conferre dissimulat, ita quod anima concupitam affectionem adimplere non valet, quia nec se totam dare potest, nec Deum totum accipere; sed quanto plus dat, & accipit, tanto plus dare, & accipere desiderat. hinc etiam in se nimium inquietatur, & amoris impatientiam patitur, quia nec Deum potest deserere, nec ad votum acquirere, nec profundare, nec indagare, nec comprehendere. Et ideo varias eius tempestates, quas illo tempore patitur, nec lingua valet dicere, nec calamus exprimere. Nam amor facit amantem nunc calidum, nunc frigidum; nunc pauidum, nunc audacem; nunc letum, nunc

tristem; nunc timidum, nunc sperantem; nunc confidentem, nunc desperantem; nunc ridentem, nunc lamentantem; nunc orantem, nunc laudantem: & innumerabilia sunt, quæ his contingunt, qui in amoris huius impatiens viuunt.] vnde & contemplator animaduertens deficientiam, quibusuis tandem modis contendit, huic defitu sese opponere, & ordinaria interioritatis dilatatione, vel elevatione procedere, ac crescere. Verum in reali praxi omnia in vanum; dicendo enim sapiens efficiat; sapientiam prælibatam magis aduertit à se recedere, & propter contemplationis pulchritudo recedit; sic quoque eius vestigia, & operandi auxilia, tam suprema quam media, & infima, disparent: quoisque tandem ex communi erga Deum se habendi ratione, per actus resignationis, & oblationis præteriorum exercitiorum discat; quod perditio, & mors dixerunt, d auribus nostris audiimus famam eius, qua etiam mediante paulatim experientia intelligit, palmitem amoris diuini purgandum, vt fructum plus affeat: Tum demum subsequentia [deuotissima & utilissima vita, quæ secundum modum, & rationem exerceri potest. Nam tota vita eius est dare seu offerre quidquid est, habet, aut præualet, & à Deo exigere quidquid eius infinitam magnificientiam misero peccatori dare condecet; se penitus per affectum, & etiam effectum, iuxta status sui con-

Rr 3 ditionem,

a Ioan. à crude obscu. noct. l. 2. c. 9. b Ierem. 49. c Harph. l. 3. p. 4. cap. 27. d Job. 28.
c Harph. Ibid.

ditionem, dilecto conformare in omnibus virtutibus, & virtuosis actibus secundum eius humanitatem: & denique quotidianis vigorosissimis, & violentissimis quibusdam aspirationibus se dilecto, secundum eius diuinitatem totaliter pro posse conuire.] porrò quam necessaria sit hæc priuatio ad modum operandi supernaturaliter, consequenter dicemus,

In hac priuatione omnes ad supernaturales modos operandi disponendos concurre-re, siue amoris, siue ariditatis via processerint.

ARTICVLVS QVARTVS.

Quot capita tot sententia, non tam in theoria, quam in praxi videre est; interea dum status incipientium, & proficientium in mysticis exercitationibus teruntur; evincit hoc admiranda illarum viarum, sequelarum, procedendique modorum diuersitas: quidam enim à speculatione creaturarum, quidam verò ad studio mortificationis, aut virtutis, alij à meditatione Passionis Domini, nonnulli ab aspirationis facilitate, & affectu, interiorem recollectionem auspicantur; obtingit aliquibus vel in initio, amicabilis introuersio primæ præsentia Dei, alij in statu contemplationis, & proficientium vix horum quidquam obtinent: frequenter etiam in praxi contingit, vt ex contemplationis statu, ad explicitum aut

meditationis, aut aspirationis exercitium quis a relabatur, paucioribus autem conceditur ut ordinatè, & consequenter omnes, & singulos status, dispositiones, & operationes, (notabiliores saltem) in amorosa fruitione percurrent. strenuis itaq; Christi amatoribus transfundum est per ignem & aquam, priusquam educantur in refrigerium; dum igne amoris diuini consumpti, & aqua desolationis abluti, disponuntur in hac rigida spiritus diuini carentia, in unitatem doni operandi supernaturaliter, & conformiter substantijs separatis.

Interea verò dum hæc fiunt, & athleta spiritualis à sensibilitate ablactatur ad cibum solidum; vult Paterfamilias butraque crescere, & zizania scilicet, & triticum; proprium, & diuinum amorem; ne forte ante messem, & tempus maturitatis, si nimio rigore, & perfectione, infirma clementa examinascent, simul quoque triticum, & solatum pio animo necessarium, eradicationem suisset: vnde facile defecissent qui de domo Patris, & cognitionis sua, (in via perfectionis Christum insequentes) egressi essent. ideò etiam cum Dominus c omnem sollicitudinem à Discipulorum cordibus eiecerit, & ostensione signorum armauerit, atque ab omnibus negotijs secularibus alienatos, & ab omni temporalium rerum cura liberatos, ferreos quodammodo, atque adamantinos fecerit; tum denique euentura illis aduersa prædictis, scilicet passio-

a *Vt Iustius 1.p. decisi. 9.* b *Matth. 13.* c *Chrysost. hom. 34. in Matth.*